

郎官荅曰金良弼前者被罪之事非不知也凡人少壯之時雖或有誤及其老衰處事必慮而刑罰必不濫矣物論有以為良弼於武班中終不可棄者豈不可為南道兵使乎金漢雄文臣也豈不可為工曹佐郎乎皆不允○傳曰洪暹具壽聃才山守元昌等其罪則一矣但洪暹具壽聃乃士大夫之人慮其隕命故杖贖矣才山守以宗親當與國同休戚以宰相之家為不以必滅云其言凶悖至為關係減死是矣決杖可也決杖一百流配于慶尚道機張縣○日暈兩珥戴履白氣如半環在日下○辛卯御朝講○臺諫啓金良弼事不允○夜流星出四瀆星入西方天際色赤

二月壬辰朔臺諫啓金良弼事不允○癸巳上御勤政殿出策題試儒生取生負李栴等十一人幸慕華館取武士金克熙等九人○傳曰今見上言始知金紀之死金紀曾經侍從臺諫當置賻自今後有如此之人例為啓之○日暈○甲午臺諫啓金良弼事不允○夜巽方至坤方有氣如火○乙未臺諫啓金良弼事及義禁府堂上照律洪暹時循私出入其罪非輕改照之命已下而乃敢詣闕啓稟實以自明至為非矣不可仍在其職請適皆不允○丙申臺諫啓金良弼及禁府堂上請適事